

UGOVOR BR. 17-14-33920-09

o izvođenju radova na elektro-instalacijama u centralnoj zgradi Kantona Sarajevo
ul. Reisa Džemaludina Čauševića 1

I – UGOVORNE STRANE

- 1. Naručilac radova:** KANTON SARAJEVO, Stručna služba za zajedničke poslove
Ul.Reisa Džemaludina Čauševića 1
koju zastupa Načelnik, Fikret Jašarević,dipl.ing.građ.
u daljem tekstu: **Naručilac**
- 2. Izvođač radova:** »ELEKTING« d.o.o. Sarajevo, ul. Nova 2, Sarajevo
koga zastupa Direktor Hamid Merdžanić
u daljem tekstu: **Izvođač**

II – PREDMET UGOVORA

Član 1.

Naručilac naručuje, a Izvođač preuzima obavezu da za račun Naručioaca, a prema uslovima i odredbama ovog Ugovora i na osnovu prihvaćene ponude Izvođača broj: 073/2016 od 29.11.2016.godine, zaprimljene od strane Naručioaca pod br. 17-14-33977 od 29.11.2017. godine, izvede sanacione radove na elektro-instalacijama u centralnoj zgradi Kantona Sarajevo ul. Reisa Džemaludina Čauševića 1.

Član 2.

Izvođač se obavezuje da, po nalogu Naručioaca i na osnovu prethodno usaglašenog i od strane Naručioaca usvojenog predmjera i predračuna radova, izvede eventualne naknadne radove, a sve u skladu sa odredbama ovog Ugovora.

III – KVALITET I OBIM RADOVA

Član 3.

Izvođač se obavezuje da sve ugovorene radove izvede prema usaglašenoj tehničkoj dokumentaciji i predmjeru radova, uz potpuno poštivanje važećih propisa, standarda i normativa za ovu vrstu radova.

Član 4.

Za sve vrste izvedenih radova na objektu kao i kvalitet izvedenog ukupnog stanja u odnosu na važeće propise, Izvođač je dužan o svom trošku izraditi izvedbenu projektnu dokumentaciju, te Naručiocu dostaviti odgovarajuće dokaznu dokumentaciju o ispravnosti i kvalitetu izvedenog stanja.

Član 5.

Izvođač će obim i vrste radove prilagođavati potrebama koje su uslovljene prioritetima na sanaciji predviđenih radova. Izvođenje svih radova mora biti prethodno odobreno od strane Naručioca.

IV – KONTROLA

Član 6.

Stručni nadzor nad izvođenjem radova na gradilištu će vršiti Zavod za izgradnju Kantona Sarajevo preko svog ovlaštenog lica gosp. Eminagić Zlatka dipl.ing.el. – Nadzorni organ. Izvođač radova je dužan da pismenim putem obavijesti Naručioca radova o imenu ovlaštenog lica – rukovodilac radova na objektu.

V – GARANCIJA O KVALITETU

Član 7.

Izvođač daje garanciju na kvalitet izvedenih radova u trajanju od **2 (dvije) godine** od dana izvršene primopredaje i tehničkog prijema, a za ugrađeni materijal u trajanju po garantnom roku proizvođača.

Za sav ugrađeni materijal, Izvođač je dužan Naručiocu, pri primopredaji radova, dostaviti garantne listove proizvođača za ugrađeni materijal.

Član 8.

U slučaju naknadne pojave nedostataka u kvalitetu izvedenih radova, a u okviru ugovorenog garantnog roka, Izvođač je dužan da u roku od 24 (dvadesetčetiri) sata po pozivu Naručioca pristupi njihovom otklanjanju i iste odmah otkloni o svom trošku.

U slučaju da se Izvođač po pozivu Naručioca ne odazove u roku iz stav 1. ovog Ugovora, Naručilac stiče pravo da za otklanjanje nedostataka i na račun Izvođača angažuje drugog Izvođača.

Član 9.

U slučaju naknadne pojave nedostataka u kvalitetu izvedenih radova, a u okviru ugovorenog garantnog roka, čijim bi trajanjem bili ugroženi životi ljudi, stabilnost objekta ili prouzrokovane veće materijalne štete nad objektom, opremom i drugim uređajima u, i oko objekta, Izvođač je dužan da otklanjanju nedostataka pristupiti odmah po pozivu Naručioca.

U slučaju da Izvođač to izbjegava Naručilac će postupiti na način predviđen članom 8. ovog Ugovora.

VI – CIJENA RADOVA

Član 10.

Ukupna vrijednost radova po ovom Ugovoru iznosi:

3.801,15 KM (bez PDV-om)

646,20 KM (PDV)

4.447,35 KM (sa PDV-om)

(slovima:četirihiljadečetiristotinečetredesetsedam i 35/100 KM),

Konačna vrijednost radova će se utvrditi konačnim obračunom radova, a na osnovu stvarno izvedenih količina (putem građevinske knjige i građevinskog dnevnika ovjerenih od strane nadzornog organa) i ugovorenih jediničnih cijena po predmjeru i predračunu radova u prilogu ovom Ugovoru koji čine njegov sastavni dio.

Član 11.

Izvođač nema pravo na promjenu ugovorenih jediničnih cijena radova, po bilo kom osnovu i u tom smislu jedinične cijene utvrđene premjerom i predračunom, smatraju se fiksnim i nepromjenljivim.

VII – NAČIN I USLOVI PLAĆANJA

Član 12.

Ugovorne strane su se sporazumjele da Naručilac, Izvođaču radova izvedene radove plaća na
- žiro račun broj: **161000002480010 (»Raiffeisen Bank«)**.

Član 13.

Fakturisanje radova će se vršiti **po ispostavljenim privremenim situacijama, a nakon tehničkog prijema radova ispostaviti će se okončana situacija.**

Nadzorni organi Naručioca dužni su u roku od 5 (pet) dana po prijemu privremenih ili okončane situacije iste ovjeriti i uputiti na dalju realizaciju ili ih, u slučaju njihove neispravnosti (manjkavosti), vratiti Izvođaču.

Ovjerenu i potpisanu okončanu situaciju Naručilac je, na način predviđen članom 12. ovog Ugovora dužan isplatiti izvođaču u roku od 10 (deset) dana, koji počinje teći danom njene ovjere od strane Naručioca.

VIII ROK I USLOVI IZVOĐENJA RADOVA

Član 14.

Rok za izvođenje svih ugovorenih radova je **7 radnih dana** od dana uvođenja u posao.

Naručilac i Izvođač radova su saglasni da će u okviru ugovorenog roka izvođenja radova, iste planirati i izvoditi u vremenskom periodu koji neće ili će najmanje utjecati na rad uposlenika Kantona Sarajevo u centralnoj zgradi Kantona Sarajevo.

Član 15.

Pod uvođenjem izvođača u posao, u smislu odredbi prethodnog člana, smatra se obaveza Naručioca:

- da potpiše i ovjeri ovaj Ugovor,
- da preda izvođaču svu postojeću dokumentaciju potrebnu za izvođenje radova,
- da izvođaču radova preda predmetni prostor na izvođenje radova.

Ugovoreni rok iz člana 14. ovog Ugovora počinje teći danom upisa u građevinski dnevnik, od strane nadzornog organa s konstatacijom da su stvoreni uslovi za uvođenje u posao i početak radova.

Član 16.

Naručilac je dužan da izvođaču radova, bez naknade omogući korištenje i priključenje na elektroinstalaciju.

Član 17.

Izvođač radova je odgovoran za:

- sprovođenje mjera tehničke zaštite na radu na objektu
- sigurnost objekta i stvari u njemu za vrijeme izvođenja radova
- sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih izvođenjem radova.

Član 18.

Ukoliko je zakonski predviđeno Izvođač je obavezan izvođenje predmetnih radova, u skladu sa važećim propisima, prijaviti nadležnom opštinskom organu.

IX PENALI I KAZNA

Član 19.

U slučaju da Izvođač svoju ugovorenu obavezu ne izvrši u ugovorenom roku i u obimu iz osnovnog predmjera i predračuna radova sa eventualnim viškovima radova do 10% od ugovorene vrijednosti radova, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od izvedene vrijednosti radova za svaki dan zakašnjenja, a najviše do 5% od vrijednosti izvedenih radova.

Član 20.

Ugovorena kazna će biti obračunata konačnim obračunom.

X DOKUMENTACIJA

Član 21.

Izvođač je obavezan na gradilištu svakodnevno voditi građevinsku knjigu i građevinski dnevnik radova od kojih po jedan primjerak za potrebe Naručioca.

Obostrano ovjereni – potpisani listovi građevinske knjige odnosno dnevnika čine sastavni dio ugovorene dokumentacije.

XI TEHNIČKI PRIJEM I PRIMOPREDAJA

Član 22.

Naručilac je dužan, po zahtjevu izvođača, formirati komisiju za interni tehnički prijem i primopredaju predmetnih radova.

Član 23.

Tehnički prijem i primopredaja radova se po zahtjevu Naručioca mogu izvršiti i za dio radova koji čine funkcionalnu cjelinu, a sve u skladu sa procjenom Naručioca.

Član 24.

Troškovi rada komisije za tehnički prijem radova snosi svaka ugovorna strana za svoj dio članova zajedničke komisije.

XII KONAČAN OBRAČUN RADOVA

Član 25.

Konačan obračun radova će se izvršiti najdalje u roku od 5 /pet/ dana po izvršenom tehničkom prijemu i primopredaji ugovorenih radova.

Član 26.

Konačan obračun radova će se izvršiti putem zajedničke komisije Naručioca i Izvođača u koji ugovorne strane imenuju po jednog člana.

Član 27.

Komisija za konačan obračun radova je po njegovom završetku, dužna sačiniti zapisnik o izvršenom konačnom obračunu radova i po tri primjerka dostaviti svakoj od ugovorenih strana na dalju realizaciju shodno odredbama ovog Ugovora.

Član 28.

Troškove rada komisije za konačan obračun radova snosi ugovorna strana za svoj dio članova zajedničke komisije.

XIII IZMJENA ODREDBI UGOVORA, RASKID UGOVORA

Član 29.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi i kao takav dokument čini sastavni dio ovog Ugovora.

Član 30.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim ne izvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

XIV PRELAZNE I ZAVRŠNE ODREDBE

Član 31.

Sastavni dio ovog Ugovora čine:

- građevinski dnevnik i građevinska knjiga radova,
- druga obostrano usaglašena i ovjerena dokumentacija.

Član 32.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.


Član 33.

Ovaj ugovor stupa na snagu danom potpisa od strane ugovornih strana.

Član 34.


Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

IZVOĐAČ: „ELEKTING“
Sarajevo


/Hamid Merdžanić

Broj: 009/03/2017
Datum: 07.03. 2017. godine
godine

NARUČILAC: KANTON SARAJEVO
Stručna služba za zajedničke poslove


/ Fikret Jašarević /

Broj: 17-23-33920-09
Datum: 07-03-2017